

D. D.

# APHORISMI NONNULLI

Quos,

*Consensu Ampliss. Facult. Philosoph. in Reg. ad Annam Academia,*

P R A E S I D E

MAXIME REVERENDO atque CELEBERRIMO VIRO,

D: NO I S A A C O  
R O S S,

S. S. L. L. PROFESS. REG. & ORD.

NEC NON

FAC. PHIL. H. T. DECANO Max. Spec.

Pro GRADU

Publice examinandoſ ſiftit

JOHANNES MOLIN,

V. D. M.


WIBURGENSIS

In Audit. Majori Die VIII. Martii Anni MDCCLX.

H. A. M. C.

---

ABOÆ, Impressit DIRECT. & TYPOGR. Reg. Magn. Duc.  
Finland. JACOB MERCKELL.



## APHORISMUS I.



Uamvis Autographa dudum, non sine singulari Dei Consilio ac dispositione interierint, horum tamen defectum exacte compensant, quæ hodie usurpantur, Apographa, quorum integratatem ac perfectionem in dubium vocare, nefas foret ac impium. Ut apographorum fidem sollicitarent, simulque auctoritatem librorum a Patribus editorum eo magis vindicarent qui sacris Romanen-sibus sunt addicti, multa congesserunt argumenta; quibus vero satis ostendunt, sibi nullam esse religionem, certitudinem veræ religionis convellere. Hæc autem omnia excipere ac refutare, prolixum magis, quam utile foret opus. Integritatem igitur ac perfectionem apographorum primo inde colligimus, quod sicut innumera reperiuntur exemplaria, hæc tamen omnia exactissime inter se convenire, non sine admiratione deprehendantur; uti fatentur quotquot hæc perlustrandi occasio data fuit. Præterea quemadmodum

modum ex Historia Sacra satis constat, Populum I-sraeliticum incredibilem prorsus curam & sollicitudinem in servandis S. Bibliis adhibuisse, ita haud dubitandum est, qvin pari, si non majori, ad curatione sint usi in veteris Testamenti libris rite ex scribendis. Hanc enim postulavit & devota reverentia DEO debita, & tenera cura, in promovenda libero-rum & Nepotum salute. Nec, qui in novo fædere vixerunt fideles segniores fuerint in oraculis Divinis Sancte custodiendis. Quin si & hæc omnia deessent argumenta, habent tamen singuli, qui cum attentione apographa legunt, testem in se firmissimum, nempe Spiritum Sanctum; Cujus per hoc verbum apographum toties declarata est virtus, ut digitum DEI cum illo coniunctum esse, nemini amplius, qui sensum quendam Numinis admittit, obscurum esse possit.

## APHOR. II.

**I**N Religionis negotio adprime necessarium esse Supremum quendam judicem, falli omnino nescium, ex cuius decretis controversiæ, quæ exoriantur decidi queant, nemo vel ignorat vel negat. Ast in hoc constituendo plerique etiam eorum, qui Christianam profitentur religionem, in diversas admodum sententias abeunt. Inter cæteros autem sibi pessime consulunt Sacris Romanensibus addicti, qui in rebus salutis nostræ Oeconomiam concernentibus parum curant Divina oracula, seu ex Patrum vel erroreis, vel minus recte intellectis vel denique ambiguis opinionibus ac effatis firmissima causarum suarum pertinent præsidia. Evidens autem est, quod Pontificii

hominibus; quos gravissime subinde lapsos suisse in confessio est, tantum tribuant, quantum solummodo competat illis, quos Spiritus S. inspiratione sua dignatus est. Quid? Quod Patrum sententias Verbo DEI revelato anteponere perquam impie conentur. His pollicent prenum, qui arbitrium causæ suæ constituant praxin Christi & Apostolicam, atque Ecclesiam suam cum ea convenire contendunt. Ab his autem penitus dissentient Trivultini dans les memoires pour l' Historiae des Sciences de l' Annee 1701. Les mois Janv. & Fev. Art. I. Toutes les Communions, qui se disent Chrestiennes, veulent se tenir à l' institution de l' eglise faite par Jesus Christ & faire remonter leur origine jusques. La. De S' arreter à prou ver pa l' Ecriture la conformite, que Chaque l' eglise pretend avoir avec cette eglise des Apotres, c' est un fond inépuisable de disputes. Chacun croit avoir tout le droit de son côté, & on a jusque là vu peu de gens retourner à la vérité par cette voie. Nihil tamen minus Scripturam Sacram, supremum judicem in negotio salutis agnoscimus, quippe quæ ab ipso DEO & fallere & falii nescio est profecta; quamvis hujus evidentiam & perfectionem in dubium vocent Romanenses, atque ad traditiones, ceu ad sacram asylum, iterum iterumque confugiant.

## APHOR. III.

**P**Erversa admodum, immo impia censenda est illorum opera, qui alios ad certam religionem recipiendam vi atque armis cogere satagant. Etenim religio duabus partibus absolvitur vera scilicet DEI cognitio-

cognitionē ac cultu ipſi debito, quarum illā praecedere hic autem ſubſequi debet. Enimvero in confefſo eſt, cognitionem illam de DEO, nec igne neque ferro hominibus inſtillari poſſe; quamobrem ex converſione, quæ per exquifitissima incipit tormenta, nullus ſperari potheſt ſuccelus. Huic accedit, quod libertas eximia, quam animis noſtris indidit ſummuſ rerum conditor, cogi plane neſciat. Quid? Quod dentur homines ſententiarum ſuarum adeo tenaces, ut ſi propter has vel in Phalaridis Tauro comburerentur, in medio tamen flammarum exclamarent: dulce eſt & nihil ad nos pertinet. Salvator igitur noſter, cuius veltigia premere debent omnes Doctores, non alia ratione quam diſputando homines ad veram ſalutis viam deduxit. In rationem itaque quam Chriſtus Luc. IX. 55 adſert, egregiam hanc paraphraſin ex TILLOTSONIO adducit auctor libri Des Loix civiles & Eccleſiaſtiques faites contre les herétiques dans ſon diſc. præſim<sup>e</sup>. Vous ne faites pas auſſez attention à la nature de votre vocation. La religion, que je suis venu enſeigner aux hommes, les ſentimens & les diſpoſitions, que fe suis venu graver dans leurs coeurs, ne coſtient pas dans un esprit furieux, perſecuteur, & deſtructif. c' eſt au contraire un eſprit de douceur & de bonté, une inclination bien faſante, un ſoin emprefſé de la vie & des interets des hommes, même de vos plus grands ennemis. Hinc ex Romanenſibus, qui meliora ſapiunt, hanc convertendi rationem penitus rejiciunt. Nempe cum Rex Franciæ ſeveriſſimum mandatum de Hu-

Hugonottis extirpandis promulgasset, Senatus Parlementi Parisiensis, meliora svasurus, scripsit, æqvum videri, ut potius veteris Ecclesiæ vestigiis insistatur, quæ non ferro & flammis in religione constituenda ac propaganda, sed puriore doctrina & honestis vitæ Antistitum exemplis rem confecit. Per placet igitur STEPHANI BATORÆI sententia: Tria DEUM sibi reservasse, ex nihilo aliquid facere, futura scire, conscientiæ dominari.

## APHOR. IV.

**F**elicior multo censenda est ejus civitatis conditio, in qua unica tantum viget religio, quam illius, in qua promiscue recipiuntur homines diversis admodum sacris addicti. Felicitas enim reipublicæ ex concordia civium in primis oritur, quæ porro non tam consistit in qualicunque negotiorum congruentia quam potius in exacta principiorum convenientia, quibus convenienter actiones suas instituunt. Enimvero ubi plures simul religiones in republica locum obtinent, cives non possunt non diversas admodum fovere opiniones circa plerarumque actionum qualitatem ac moralitatem. Et hoc sententiarum discrimen vinculum concordice facilis negotio disrumpet, nisi vel leges civiles vel propria utilitas cives in justo continuerint officio, adeo ut turbas excitare non audiant; quæ vero repagula pari cum successu ubique locorum adhiberi nequeunt. Non tamen dissentientibus multa eademque speciosa desunt argumenta, quibus suam palliant opinionem. Operose enim contendunt, si liberum religionis exercitium singulis conceda-

concedatur gentibus, & numerum incolarum insigniter accrescere & scientias atque artes quasvis ad debitum perfectionis culmen brevi tempore peduci.

Quantumvis magna hæc censeantur commoda; nimis tamen parva sunt, quæ cum jactura æternæ felicitatis acquirantur. Profecto damnanda est utilitas, quæ fidei, religioni, ac veræ pietati mille creat pericula atque atrox indicit bellum. In consultationibus, gravissimum hoc negotium concernentibus, argumenta abutili, eodemque non satis certo, arcere perversa omnino est argumentandi ratio; cum salutis publicæ cupidos Politicos maxime deceat, pii ac honesti respectum habere, neque illud ab utili unquam separare. Quamobrem præstantissimi quique viri veram pietatem speciosis quibuscumque aliis comodis sine ulla hæsitatione majoris faciendam, & antiquissimi Polones ac Cicerones honestum utili atque officiosum emolumento anteferendum esse censuerunt. Quemadmodum igitur in corporibus hominum satius est modicam staturam cum salute habere, quam ad molem aliquam giganteam perpetuis afflictionibus pervenire, quam similitudinem ex Augustino mutuo sumsimus; ita etiam felicior censenda est res publica, quæ modica vectigalia in tranquillo animorum otio colligit, quam quæ ad immensos divitiorum cumulos per ancipitia discriminatum vestigia pervenit.

#### APHOR. V.

**Q**uamvis, quod tribuli & lolia in agro, idem hæreses sint in vinea Domini, ex his tamen sententia-

sententiarum divortiis haud pauca commoda cepit Eccl<sup>a</sup>lesia. Quemadmodum enim qui inter hostium agmina versantur; cum quibus perpetuo configere coguntur, in medios non dormiunt dies, sed levissimas etiam circumstantias cum attentione considerant, siveque insidiis cavendis redduntur aptiores atque suas vires sine vanis quibusdam blandimentis explorant; ita etiam calamitates atque machinationes, quas ab hereticis nunquam non exspectant salutis suæ cupidi homines, ipsos sepius acerrime exercent, veternum excutiunt, siveque impediunt; ne in male sanam incidunt securitatem. Præterea sicut DEUS Philistæos non penitus extirpandos voluit, Judic. III. 2. quo Israelitæ & cotes fortitudinis haberent, & ab his perpetuo lacerasti opem Divinam supplicibus quotidie impetrarent precibus; ita DEO permittente, non-nunquam existunt heretici, quorum insultibus ac stratagematibus ne prorsus succumbant fideles, magis magisque incitantur ad fugiendas vitiorum sordes, ad calidas preces fundendas atque ad curatissimam Scripturæ S. lectionem & meditationem. Porro extra dubitationis Aleam est positum, quod multis scriptis, sinceram spirantibus pietatem & apertissimas vitæ regulas dilucide expositas continentibus, destitueremur, nisi his occasionem præbuissent hereticorum dogmata. Denique quemadmodum erroris atque veritatis inter se comparatione utriusque ratio magis eluet rectiusque perspicitur, ita ipsa hereticarum opinionum fæditate delecta, piæ mentes maxime ab iis abhorrent, easque ceu ex orco venientia

monstra exsecrantur. His licet ita evictis, non tamen sequitur, vel admittendas in Civitate vel tolerandas esse hærefes. Sed sicut morbos quosdam, quamvis materiam cuidam auferant, nobisque adeo magis profint quam obsint, mature tamen cohibemus, ne corporis nostri compagem lœdant, ita ad veræ religionis adsertores pertinet, hærefes, caput exsorientes, reprimere, & si unquam fieri potest, extirpare. Bene igitur BALDUINUS, manent; inquit, hærefes & hæretici in se pestes religionis Christianæ, quibus pro virili resistendum est, ne paulatim serpendo vires acquirant & fideles tandem penitus evertant. Novit DEUS alio modo suorum probare ac manifestare fidem ac constantiam, si vel nulli essent hæretici. Sic ex malis moribus bonæ nascuntur leges, & luxuria ager fertilis agnoscitur, neque tamen sequitur, vel malis moribus non esse resistendum, vel luxuriam agri, quoad ejus fieri potest, tollendam non esse, siquidem & aliunde bonæ leges existere & fertilitas agri optime agnosci potest. vid. comment. in 1. Cor. XI. 19. p. m. 451.

## APHOR. VI.

**L**icet lex naturalis indolem personarum, quæ matrimonium contrahent, respectu cognitionis de DEO, non determinet, minus tamen recte sibi consulunt, qui conjugium ineunt, cum personis, diversæ religioni admodum addictis, præsertim ubi nullus in gravissimo hoc negotio sperari potest consen-

sis. Etenim inter primarios matrimonii fines est iusta liberorum educatio, cuius præcipua pars in eo consistit, ut liberi veræ pietati a teneris adfvescant ungviculis, Eph. VI. Quando autem Parentes diversas plane sententias in religionis negotio fovent, non raro contigit, ut quod alter conjugum anxie ædificet, alter arroganter demoliat, immo ceteræ ad familiam pertinentes personæ a vera pietate & religione impedianter, & sensim quoque seducentur. Porro ubi dispar est fides, & Diversus DEUM colendi modus, cultus DEI privatus sensim sensimque neglijitur, æctissimaque animorum conjunctio; quæ hujus vitæ ambrosia merito censemur, nimium quantum impeditur, vel si hæc vigeat, periculum est, ne maritus fœminam; vel vice versa, ad sua sacra tandem perducat. Præterea nisi personæ matrimonium contrahentes optimæ sint frugis, diversitas religionis, facile producit virtutum frigus, nec non rixarum, litium, ac suspicionum, quæ statum hunc vehementer turbant, largissimam segetem. Quamobrem etiam DEUS severissime olim interdixit Populo suo, ne matrimonium inirent cum infidelibus; causam intersetens gravissimam, ne deliciis conjugibus ad falsa sacra seducerentur. His licet ita evictis merito tamen reprehendimus quosdam Pontificiorum imprimis Canonistas, qui adeo acriter impugnarent connubia, a personis diversæ religionis inita, ut eadem & irrita esse, & rescindi posse iterum itemque contendant. At rigidum hoc præceptum nec ex jure Divino vel naturali vel positivo, nec ex consuetudi-

consuetudine quadam veræ Ecclesiæ probari potest.  
 Quid? Quod Apostolus Paulus 1. Cor. VII. concedat  
 marito fideli cohabitare cum uxore infideli. Impedi-  
 enda igitur, quantum unquam fieri potest, ejusmo-  
 di matrimonia, legitimo autem modo inita, temere  
 non sunt rescindenda.

## APHOR. VII.

**Q**UAMVIS non apodictice, admodum tamen pro-  
 babiliter & sanæ rationis principiis ostendi po-  
 test, dari substantias quasdam simplices finitas, quas  
 gentiles vocant genios, nos autem præeunte Scriptura  
 Sacra, nuncupamus Angelos. Fines, propter quos hi  
 sunt creati ex Sacris pandeatis & varii & simul egre-  
 gii producantur; præter hos autem alium commenti  
 sunt Scholastici quem in Scenam deinceps prædu-  
 etum defendere annisi sunt Lojolæ & nonnulli Cal-  
 vini asseclæ. Argute felicet contendunt, hos ideo  
 etiam esse conditos, ut ordinarii corporum Cœlesti-  
 um essent motores, & per spatiofas ipsorum semi-  
 tas ductores. Quarum continua opera & manu-  
 ditione si Cœlum aliquamdiu destitueretur, protinus,  
 utpote interna vi motrice destitutum, vel subsisteret  
 penitus vel in pristinum Chaos mox relaberetur. Ut  
 ineptas has rugas refellamus in antecessum obser-  
 vamus, quod horrida admodum olim fuerint tem-  
 pora, quibus eruditæ supinam rerum naturalium  
 inscitiam vel pallio quodam religionis vel obscuris  
 terminis adeo tegerent, ut quos propter ignoran-  
 tiæ

tiam exsibilare debuissent cæteri, eosdem Divini  
 quid inesse ac ipsorum inepta effata, totidem ex  
 tripode quasi fusa oracula esse existimaverint. Quam  
 turpiter præsenti negotio sunt hallucinati, paucis  
 jam ostendemus. 1:o igitur Scriptura Sacra, quæ of-  
 ficia Angelorum explicat, nihil omnino tradit de ne-  
 gotio Angelorum, quatenus in circumgyratione  
 corporum Cœlestium sunt occupati. 2:o Notandum  
 est, quod opinionis suæ vel nullas vel adeo ridicu-  
 las rationes adducant adversarii, ut commiseratione  
 quam refutatione digniores videantur. 3:o Postquam  
 Scientia naturalis nostro ævo magis magisque fuit  
 exulta, dilucide constitut, DEUM vim quandam  
 centripetam omnibus indidisse corporibus, vi cuius  
 singula corpora Cœlestia a primo & Chatholico mo-  
 tore in initio Mundi mota, jam motum suum in  
 orbitis Ellipticis continuant, adeoque Externam  
 Angelorum opem non desiderant,

